



1506

1219

Bosnia and Herzegovina
Federation of Bosnia and Herzegovina

CANTON SARAJEVO
Prime Minister

Broj: 02-05-15502-73/19
Sarajevo, 25.05.2019. godine

SKUPŠTINA KANTONA SARAJEVO
n/r Elmedin Konaković, predsjedavajući

PREDMET: Odgovor na zastupničko pitanje, zastupnika Hameda Aljovića.

Vaš akt broj: 01-05-15502-73/19 od 19.04.2019. godine.

Poštovani,

Na osnovu pitanja zastupnika u Skupštini Kantona, Hameda Aljović, sa 7. radne sjednice Skupština Kantona Sarajevo, koja je održana 17.04.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, Vaš akt broj: 01-05-15502-73/19 od 19.04.2019. koje glasi „*Molim premijera KS, gosp. Edina Fortu, da mi odgovori da li će Vlada KS i dalje finansirati neregistrovani sindikat osnovnog odgoja i obrazovanja u Kantonu Sarajevo, budući da smo preko medija informisani kako su isti novčano kažnjeni od strane inspekcije Porezne uprave FBiH zbog neizvršenja svojih zakonskih obaveza u vidu neplaćanja poreza državi i neuplaćivanja doprinosa zaposlenicima*“ obavještavamo vas sljedeće:

Premijer Kantona Sarajevo je, u ime Vlade Kantona Sarajevo, potpisao Kolektivni ugovor za djelatnost predškolskog odgoja i osnovnog odgoja i obrazovanja u Kantonu Sarajevo dana 22. januara 2018. godine. Drugi potpisnik Kolektivnog ugovora je Samostalni sindikat osnovnog obrazovanja i odgoja Federacije BiH – Kantonalni odbor Kantona Sarajevo. Ugovor je stupio na snagu 01.01.2018. godine, potpisan je na određeno vrijeme i traje do 31.08.2020. godine. Napominjemo da, kako bi se izvršile izmjene ili dopune navedenog ugovora i kako bi iste bile pravno valjane, potrebno je da obje strane budu saglasne sa predmetnim izmjenama. Do tada će Vlada poštovati sve odredbe istog.



web: <http://vlada.ks.gov.ba>
e-mail: premijer@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Rješenjem Ministarstva za rad, socijalnu politiku, raseljena lica i izbjeglice Kantona Sarajevo, broj: 13/04-34-25915/15 od 08.11.2016. godine utvrđena je reprezentativnost Samostalnom sindikatu osnovnog obrazovanja i odgoja Federacije Bosne i Hercegovine, Kantonalni odbor Kantona Sarajevo za područje djelatnosti osnovnog i predškolskog obrazovanja i odgoja na području Kantona Sarajevo (u prilogu kopija Rješenja).

Pozivam zastupnika da ukoliko ima saznanja o nepravilnostima u radu navedenog Sindikata ili bilo kojih drugih sindikata o tome obavijesti nadležne institucije, što će i Vlada Kantona Sarajevo također uraditi.



Dostavit:

1. Naslovu
2. Stručna služba Vlade KS (na znanje)
3. A/a



web: <http://vlada.ks.gov.ba>
e-mail: premijer@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Štamp

Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu
politiku, raseljena lica i izbjeglice



Bosnia and Herzegovina
Federation of Bosnia and Herzegovina
CANTON SARAJEVO
Ministry of Labour, Social Policy,
Displaced Persons and Refugees

Broj: 13/04-34-25915/15
Datum, 08.11.2016. godine.

Ministarstvo za rad, socijalnu politiku, raseljena lica i izbjeglice Kantona Sarajevo, sa sjedištem u Sarajevu, ulica Reisa Džemaludina Čauševića broj 1, na osnovu člana 200. Zakona o upravnom postupku („Službene novine F BiH“, br. 2/98 i 43/99), a u vezi sa članom 130. Zakona o radu („Službene novine F BiH“, broj 26/16), rješavajući po Zahtjevu za utvrđivanje reprezentativnosti sindikata, Samostalnog sindikata osnovnog obrazovanja i odgoja Federacije Bosne i Hercegovine, Kantonalni odbor Kantona Sarajevo, od 30.09. 2015. godine, donosi

RJEŠENJE

Utvrđuje se reprezentativnost Samostalnog sindikata osnovnog obrazovanja i odgoja Federacije Bosne i Hercegovine, Kantonalni odbor Kantona Sarajevo za područje djelatnosti osnovnog i predškolskog obrazovanja i odgoja na području Kantona Sarajevo.

Obrazloženje

Samostalni sindikat osnovnog obrazovanja i odgoja Federacije Bosne i Hercegovine, Kantonalni odbor Kantona Sarajevo (u daljem tekstu: Sindikat), podnio je dana 30.09.2015. godine, Ministarstvu za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo), zahtjev za utvrđivanje reprezentativnosti sindikata za područje djelatnosti osnovnog i predškolskog obrazovanja i odgoja na području Kantona Sarajevo.

Uz zahtjev je priloženo Rješenje Federalnog ministarstva rada i socijalne politike broj UP: I 03-34/13-11/15 od 21.09.2015. godine, Obavještenje Federalnog zavoda za statistiku broj 07-32.5-57693/13 od 04.04.2013. godine, Izvode o uplaćenju članarini za V, VI i VII mjesec 2015. godine Ministarstva finansija Kantona Sarajevo. Na zahtjev Ministarstva. Sindikat je dodatno dostavio Rješenje Federalnog ministarstva pravde broj 03-05-2-1659/12 od 29.01.2013. godine, Statut Samostalnog sindikata osnovnog obrazovanja i odgoja Federacije Bosne i Hercegovine broj 01-1958/13 od 30.11.2013. godine ovjeren kod Federalnog ministarstva pravde, ovjera broj 03-05-2-1659/12 od 07.01.2014. godine, Odluku Samostalnog sindikata osnovnog obrazovanja i odgoja Federacije Bosne i Hercegovine o imenovanju predsjednika Kantonalnog odbora SSOOiO F BiH – Kantonalni odbor SSOOiO Kantona Sarajevo broj 697/13 od 15.04.2013. godine, Potvrdu o broju članova Ministarstva finansija Kantona Sarajevo broj 08-14-SL-2015 od 26.10.2015. godine (osnovno obrazovanje), Potvrdu o broju članova Ministarstva finansija Kantona Sarajevo broj 08-14-SL-2015 od 26.10.2015. godine (predškolsko obrazovanje), Potvrdu Sindikata broj 01-1055/15 od 12.10.2015. godine, Rješenje Federalnog ministarstva pravde broj 03-05-2-1659/12 od 18.03.2013. godine, Rješenje Federalnog ministarstva pravde broj 03-05-2-1659/12 od 07.01.2014. godine. Rješenje Federalnog



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



ministarstva pravde broj 03-05-2-1659/12 od 09.06.2014. godine, Rješenje o utvrđivanju reprezentativnosti sindikata za područje djelatnosti osnovnog obrazovanja i odgoja u Federaciji BiH, Federalnog ministarstva rada i socijalne politike broj UP I 03-34/13-11/15 od 21.09.2015. godine

U postupku utvrđivanja reprezentativnosti sindikata, Ministarstvo je u skladu sa članom 130. Zakona o radu („Službene novine F BiH“, broj 26/16) (u daljem tekstu: ZOR), po službenoj dužnosti od Federalnog zavoda za statistiku, Sarajevo prikupilo informacije o broju zaposlenih, akt broj 04-32.9-1203/16 od 16.08.2016. godine, te pribavilo podatke iz Ministarstva finansija Kantona Sarajevo, akt broj 08-14-SI-2016 od 07.11.2016. godine.

U predmetnom postupku, Ministarstvo je donijelo Zaključak broj 13-34-25915/15 od 27.04.2016. godine, kojim je prekinut postupak dok nadležno ministarstvo ne izvrši provjeru registracije sindikata. Rješenjem Vlade Federacije BiH broj 06-05-218/16 od 13.05.2016. godine, oglašena su ništavim rješenja o upisu u registar i rješenje o utvrđivanju reprezentativnosti sindikata na području Federacije BiH, da bi isto bilo poništeno Presudom Kantonalnog suda u Sarajevu broj 09 0 U 026594 16 U od 31.10.2016. godine, čime su poništene i posljedice donošenja rješenja, kao da isto nije ni doneseno.

Na osnovu savjesne i brižljive ocjene svakog dokaza posebno i svih dokaza zajedno, kao i na osnovu rezultata cjelokupnog postupka, ovaj organ je utvrdio, da je Samostalni sindikat osnovnog obrazovanja i odgoja Federacije Bosne i Hercegovine Rješenjem Federalnog ministarstva pravde broj 03-05-2-1659/12 od 29.01.2013. godine, upisan u Registar udruženja pod registarskim brojem 1483, Knjiga II Registra dana 29.01.2013. godine, da na teritoriji Federacije Bosne i Hercegovine ima utvrđenu reprezentativnost, što je utvrđeno Rješenjem Federalnog ministarstva rada i socijalne politike broj UP I 03-34/13-11/15 od 21.09.2015. godine, da je Kantonalni odbor Kantona Sarajevo organizaciona jedinica registrovanog sindikata, što proizilazi iz Obavještenja Federalnog zavoda za statistiku broj 07-32.5-57693/13 od 04.04.2013. godine i Potvrde Samostalnog sindikata osnovnog obrazovanja i odgoja Federacije Bosne i Hercegovine broj 01-1055/15 od 12.10.2015. godine. Iz akta Federalnog zavoda za statistiku broj 04-32.9-1203/16 od 16.08.2016. godine, broj zaposlenih u djelatnosti osnovnog obrazovanja, u maju 2016. godine iznosio je 4.027 osoba. U aktu Ministarstva finansija Kantona Sarajevo broj 08-14-SI-2016 od 07.11.2016. godine, dostavljeni su podaci o broju članova za koje se uplaćuje sindikalna članarina putem Ministarstva finansija (prema spisku isplaćene plaće za septembar 2016. godine), pa tako: Kantonalni sindikat osnovnog obrazovanja 3.015 članova, od čega osnovne škole 2.730, a JU Djeca Sarajeva 285 članova. Udruženje samostalni sindikat osnovnog obrazovanja i odgoja KS, osnovne škole 47, Udruženje sindikat prosvjetnih radnika KS, osnovne škole 1, te Sindikat osnovnog obrazovanja – Fond solidarnosti, osnovne škole 13, a JU Djeca Sarajeva 6 članova.

U skladu sa članom 122. ZOR, sindikat se smatra reprezentativnim, ako je registrovan kod nadležnog organa, u skladu sa zakonom, ako se finansira pretežno iz članarina i drugih vlastitih izvora, ako ima potreban procenat učlanjenosti zaposlenih, u skladu sa zakonom. Članom 126. istog Zakona, propisano je da ukoliko je sindikat kantona organizacioni dio sindikata iz člana 124. i 125. Zakona, smatra se da ispunjava uvjete iz člana 122. tač.a. i b. Reprezentativnim sindikatom za jedno ili više područja djelatnosti, u smislu odredbe člana 124. ZOR, smatra se sindikat koji, pored uvjeta iz člana 122. ZOR ispunjava i uvjet da ima najmanje 30% članova od ukupnog broja zaposlenih u području djelatnosti (grani) na teritoriji Federacije, odnosno području kantona.

Na osnovu ocijenjenih dokaza, zaključuje se da je Sindikat registrovan kod nadležnog organa, da se finansira iz članarina, te da u djelatnosti osnovnog i predškolskog obrazovanja i odgoja broji 3.015 članova, što predstavlja procenat od 74,86% od ukupnog broja zaposlenih u djelatnosti osnovnog i predškolskog obrazovanja i odgoja na području Kantona Sarajevo.

Na temelju utvrđenog činjeničnog stanja, u skladu sa članom 122., 126. i 130. ZOR i članom 200. Zakona o upravnom postupku („Službene novine F BiH“, br. 2/98 i 43/99), riješeno je kao u dispozitivu.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1




Upustvo o pravnom lijeku: Protiv ovog rješenja nije dozvoljena žalba, ali se može pokrenuti upravni spor kod Kantonalnog suda u Sarajevu, u roku od 30 dana od dana dostavljanja rješenja

Pripremila: Belma Trajkov, stručna savjetnica



MINISTRICA




Dostaviti:

1. Samostalni sindikat osnovnog obrazovanja i odgoja F BiH-Kantonalni odbor Kantona Sarajevo, ul. Alipašina 9/III, Sarajevo

2. a/a

09-11-2016 - 15:19W



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

